

Tumepewa Uwezo wa Kufanyika Wana wa Mungu

Bali wote waliompokea aliwapa uwezo wa kufanyika watoto wa Mungu, ndio wale waliaminio jina Lake—**Yohana 1:12.**

Kuwa mwana wa Mungu sio kitu ambacho tunajipatia sisi wenyewe. Ni wale tu wanaompokea Yesu kama Mwokozi wao ndio wanaopewa uwezo kufanyika wana na binti za Mungu. Mwenye dhambi hawezi, kwa nguvu yake iwayo yote, kujiondolea dhambi. Ili kufikia mafanikio haya, lazima atazame Mamlaka ya juu zaidi. Yohana alitangaza, “Tazama Mwana-Kondoo wa Mungu, aichukuaye dhambi ya ulimwengu.” Ni Yesu pekee mwenye uweza wa kusafisha moyo. Yeye ambaye anatafuta msamaha na kukubaliwa anaweza tu kusema—“Sina cho chote niwezacho kufanya; Nang’ang’ania tu katika msalaba Wako.”

Lakini ahadi ya kuwa wana imetolewa kwa *wote* ambao “wanaliamini jina Lake.” Kila mtu anayemjia Yesu kwa imani atapokea msamaha.

Dini ya Yesu inabadilisha moyo. Inamfanya mtu aliyependelea mambo ya ulimwengu kupendelea mambo ya mbinguni. Chini ya mvuto wake mtu mbinafsi huwa asiye na ubinafsi, kwa sababu hii ni tabia ya Yesu. Mtu mdanganyifu, mwenye hila huwa mwadilifu, hadi inakuwa ni tabia yake kuwatendea wengine kama ambavyo angependa kutendewa na wengine. Ufisadi unabadilishwa kutoka kuwa mchafu na kuwa safi. Anaunda tabia sahihi; kwa maana injili ya Yesu Kristo imekuwa kwake harufu ya uzima iletayo uzima.

Ilibidi Mungu kudhihirishwa katika Kristo, “akiupatanisha ulimwengu na nafsi yake.” Mwanadamu alikuwa amedhoofishwa na dhambi kiasi kwamba ilikuwa vigumu kwake, ndani yake mwenyewe, kufikia mapatano na Yeye ambaye asili Yake ni usafi na utu wema. Lakini baada ya Yesu kuwa amemkomboa mwanadamu kutoka kwenye shutuma ya sheria, alitoa uweza wa Mungu, ili kuungana na juhudi za mwanadamu. Hivyo basi kwa kuungama kwa Mungu na kumwamini Yesu Kristo, wana wa Adamu walioanguka waweze kwa mara nyingine tena kuwa “wana wa Mungu.” Nafsi inapompokea Yesu, inapokea nguvu ili kuishi maisha ya Kristo.